

CHUKUA TAHADHARI DHIDI YA NJAMA ZA RIBA !

21 Dulqa'da 1444H
10/06/2023M

السؤال: هناك بنك يشتري كل ما أطلبه من أثاث أو قطعة أرض أو سيارة بشرط : أن أكون موظف , وأن أحول راتبي في ذلك البنك ولمدة خمس سنوات , وذلك ضماناً لحقه , فمثلاً : أذهب إلى ذلك البنك وأقول له : أريد منك شراء سيارة , فيقول لي : اذهب إلى الشركة أو المعرض الذي توجد فيها السيارة التي تريدها , وأعطني من ذلك المعرض أو تلك الشركة ورقة رسمية مُبَيَّن فيها قيمة السيارة , فإذا أحضرت الورقة , أعطاني شيك باسم تلك الشركة أو المعرض به قيمة السيارة , وبرفقته ورقة مكتوباً فيها : ادفعوا لحامل هذا الشيك سيارته , فإذا كان ثمن السيارة مائة ألف ريال , فإنه يُضيف عليها 7 % للسنة الواحدة مُقابل البيع الأجل , ولمدة خمس سنوات , فيصبح ثمن السيارة عليّ في الأوراق الرسمية لدى البنك مائة وخمسة وثلاثون ألف ريال . وهناك مثال آخر : إذا أردتُ شراء قطعة أرض فإنه يطلب مني إحضار ورقة من مكتب العقار أُبَيَّن فيها قيمة الأرض , ثمّ يدفع إليّ الشيك ويُضيف 7 % فائدة مُقابل الأجل ولمدة خمس سنوات , فإذا كان ثمن الأرض مائة ألف ريال يُصبح عليّ لذلك البنك 135 ألف ريال , هل هذا البيع نوعٌ من أنواع بيع السَلَم , لأنه ضمن حقّه مقدماً , ولمدة خمس سنوات , حيث أُنِي موظف , وأخذ عليّ أوراق وتعهّدات بموجبها تحوّل راتبي تلقائياً لذلك البنك , فيأخذ كل شهر قسطه , ويترك لي الباقي , وهل هذا البيع جائز شرعاً أم لا ؟ .

الجواب: لا يجوزُ التعامل بالمعاملة المذكورة , لأنَّ حقيقتها قرض بزيادة مشروطة عند الوفاء , والصورة المذكورة مجرّد حيلة , وإلا فهي معاملة ربوية محرّمة في الكتاب والسنة وإجماع الأمة , فيجب ترك التعامل بما طاعة الله ولرسوله ﷺ : { وَمَنْ يَتَّقِ اللَّهَ يَجْعَلْ لَهُ مَخْرَجاً وَيَرْزُقْهُ مِنْ حَيْثُ لَا يَحْتَسِبُ } .

SWALI

Kuna benki ambayo inanunua kila ninachokihitaji kama vile samani za ndani au kiwanja au gari, kwa sharti : Niwe mfanyakazi, na mshahara wangu upitie katika benki hiyo kwa muda wa miaka mitano ili benki ichukue dhamana ya haki yake. Mfano nikienda katika benki hiyo na nikasema ninahitaji mninunulie gari , wataniambia, nenda katika kampuni ya uuzaji wa magari au kati- ka maeneo yauzayo magari ambapo kuna gari unalolitaka na utuletee

kutoka huko kwenye kampuni hiyo au sehemu hiyo, utuletee karatasi rasmi inayoonyesha kiwango cha thamani ya gari. Pindi ninapoifikisha karatasi hiyo benki watanipa hundi (cheque) ambayo imeandikwa jina la hiyo kampuni au sehemu iuzayo gari, ndani ya hundi hiyo kuna kiwango cha thamani ya gari hilo na sambamba na hundi hiyo kuna karatasi nyingine (wananipa) ambayo imeandikwa "mpeni gari yake mwenye hundi hii" Endapo thamani ya gari ni Riali laki moja , basi huongezwa asilimia saba (7%) juu ya deni langu kila mwaka kwa niaba ya ulipaji wa kidogokidogo; hivyo kwa kipindi cha miaka mitano inakuwa thamani ya gari (nitakiwayo kuilipa) iliyoandikwa kwenye karatasi ya deni la benki ni Riali laki moja na elfu thelathini na tano.

Na kuna mfano mwingine ufuatao: ninapotaka kununua kiwanja, benki itanihitajia ni-wapelekee karatasi kutoka katika ofisi za ardhi yenye kubainisha ndani yake thamani (bei) ya kiwanja hicho , kisha benki itanipatia hundi (cheki) , na benki itaongeza asilimia saba (7%) juu ya bei ya kiwanja hicho kwa sababu ya ulipaji wa kidogokidogo kwa muda wa miaka mitano. Endapo bei ya kiwanja ni Riali laki moja , basi deni langu ninalodaiwa na benki litakuwa Riali laki moja na elfu thelathini na tano. Je biashara hii ni mojawapo ya aina za biashara za ulipaji wa kuchelewesha unaoruhusiwa kisheria ? Kwa sababu benki imetangulia kuchukua dhamana yake -kwa kuwa mimi ni mfanyakazi- benki ikachukua dhamana ya kuandikisha makubaliano ambayo yatapelekea kuhamishwa mshahara wangu wa mwezi moja kwa moja kuelekea katika benki hiyo, wao huchukua fungu lao na wananiachia kilicho-baki , (hili hufanyika) ndani ya muda wa miaka mitano. Na je biashara hii inafaa kisheria?

JAWABU:

Haifai kufanya muamala huo uliotajwa , kwa sababu uhalisia wake ni kama mkopo unaoambatana na ziada (ya malipo), ziada ambayo imewekewa sharti wakati wa ku-lipa deni (uzidishe kiwango maalumu 7%). Na hiyo sura iliyotajwa ni ujanja na njama tu (za kukwepa riba), lakini uhalisia ni muamala wa riba ulioharamishwa ndani ya Qur'an na Sunna na Makubaliano ya wanachuoni. Ni wajibu kuacha kufanya muamala huo kwa ajili ya kumtii Allah na Mtume wake ﷺ ; na Allah anasema ((Na ambaye anamcha Allah , Allah atamjaalia mapito na atamruzuku kwa namna asiyotarajia)) .

وصلى الله على محمد وعلى آله وصحبه وسلم